



JABATAN PERKHIDMATAN VETERINAR

LAPORAN LIPUTAN MEDIA

21 JUN 2023, RABU

Maqis rampas 1,714kg makanan haiwan

MEDIA	RUANGAN	MUKA SURAT
Sinar Harian	Negeri	26



Maqis rampas 1,714kg makanan haiwan

BUTTERWORTH - Jabatan Perkhidmatan Kuarantin dan Pemeriksaan Malaysia (Maqis) Pulau Pinang merampas 1,715 kilogram (kg) makanan haiwan dari Thailand yang cuba dibawa masuk melalui pintu masuk Dermaga Air Dalam di sini, pada Ahad lalu.

Pengarah Maqis Pulau Pinang, Muhammad Ikram Abd Talib berkata, makanan haiwan bernilai RM55,605 itu didapati tidak mempunyai permit import Maqis yang sah.

Menurutnya, kegagalan untuk mengemukakan permit import bagi pengimportan makanan haiwan adalah menjadi kesalahan di bawah Seksyen 11(1) Akta Perkhidmatan Kuarantin dan Pemeriksaan Malaysia 2011 (Akta 728).

"Jika sabit kesalahan boleh didenda tidak melebihi RM100,000 atau dipenjarakan selama tempoh tidak melebihi enam tahun atau keduanya sekali di bawah Seksyen 11(3) akta yang sama," katanya dalam kenyataan di sini pada Selasa.

Sementara itu, di **PELABUHAN KLANG**, Maqis Selangor menggagalkan cubaan membawa masuk gelatin haiwan bernilai lebih RM600,000 dari Pakistan di Pelabuhan Klang Utara, di sini, Jumaat lalu.

Pengarah Maqis Selangor, Mohd Sobri Md Hashim berkata, rampasan itu dibuat hasil pemeriksaan yang dijalankan Pegawai Penguat kuasa Maqis pada jam 11.30 pagi.

Menurutnya, gelatin seberat 18,000 kilogram yang dianggarkan bernilai RM635,383.33 itu tidak mengikut syarat rawatan yang ditetapkan sebagaimana yang dinyatakan dalam permit import.

Gelatin kebiasaannya digunakan bagi mempelbagaikan produk sama ada sebagai bahan ramuan makanan dalam industri pemprosesan makanan.

Jelas Mohd Sobri, pihaknya sentiasa menjalankan pemeriksaan setiap keluaran pertanian yang masuk dalam negara bagi memastikan keluaran pertanian diimport mematuhi syarat dan peraturan ditetapkan oleh kerajaan.

"Langkah ini bagi memastikan barang dagangan bebas daripada perosak dan penyakit serta halal untuk dimakan dan seterusnya menjamin keselamatan makanan," katanya dalam kenyataan pada Isnin.

Pegawai Maqis Pulau Pinang melakukan pemeriksaan terhadap makanan haiwan yang cuba dibawa masuk ke negara ini tanpa permit import yang sah.

Lembu korban cukup, dijual RM5,000 seekor

MEDIA	RUANGAN	MUKA SURAT
Kosmo	Negara	16

Lembu korban cukup, dijual RM5,000 seekor

SEGAMAT – Bekalan lembu di negeri ini mencukupi dan Johor dijangka tidak berdepan isu kenaikan harga menjelang sambutan Aidiladha pada minggu hadapan.

Menurut Pengerusi Jawatankuasa Pertanian, Asas Tani dan Kemajuan Luar Bandar negeri, Datuk Zahari Sarip, seramai 2,576 penternak lembu tempatan membekalkan lembu korban, sekali gus membantu mengurangkan kebergantungan kepada lembu import.

"Bekalan lembu yang cukup dari penternak tempatan secara tidak langsung membantu harga lembu lebih stabil seterusnya tidak berlaku kenaikan harga secara mendadak.

"Tiada sebarang laporan yang diterima berhubung peningkatan harga lembu yang didakwa mencecah RM7,000 seekor di negeri ini.

"Setakat ini harga jualan lembu di Johor direkodkan sekitar RM5,000 sehingga RM6,000 seekor. Malah di Segamat, ada penternak yang dilaporkan menjual seekor lembu dengan harga RM4,500," katanya selepas Majlis Penyampaian In-

sentif Ternakan Lembu Pedaging Jabatan Veterinar Johor di Pejabat Veterinar Segamat di sini semalam.

Sebelum ini, media melaporkan harga lembu untuk ibadah korban di negara ini, telah meningkat sehingga mencecah RM7,000 seekor berikutan pelbagai faktor termasuk kos makanan ruminan haiwan ternakan itu selain permintaan tinggi daripada orang ramai.

Berbanding sebelum ini, harga bagi lembu bersaiz sederhana adalah sekitar RM4,500 hingga RM5,000 seekor, tetapi meningkat kepada RM6,500 sehingga RM7,000 ketika ini.

Menurut Zahari yang juga Ahli Dewan Undangan Negeri (ADUN) Buloh Kasap, permohonan permit penyembelihan daripada Jabatan Perkhidmatan Veterinar (JPV) masih dibuka sehingga 26 Jun depan.

"Pada tahun lepas, sebanyak 5,129 permit penyembelihan dikeluarkan. Terdapat 192 pusat penyembelihan di seluruh Johor yang menerima permit kebenaran sembelihan sementara bagi Aidiladha," ujarnya.



ZAHARI pada Majlis Penyampaian Insentif Ternakan Lembu Pedaging di Pejabat Veterinar Segamat semalam.

Jualan kambing merosot

MEDIA	RUANGAN	MUKA SURAT
Utusan Malaysia	Dalam Negeri	29



JUALAN kambing Husmizar Hussain masih perlahan dengan sekitar 60 ekor sahaja terjual berbanding tahun lalu lebih 200 ekor di Jalan Kolam, Kampung Alor Merah, Arau, Perlis semalam. - UTUSAN/IZLIZAN OTHMAN

Tidak mampu pulang modal

Jualan kambing merosot

Oleh MOHD. HAFIZ
ABD. MUTALIB
hafiz.mutalib@mediamula.com.my

ARAU: Sebelum ini setiap kali menjelang Hari Raya Aidiladha, Husmizar Hussain, 43, dari Jalan Kolam, Kampung Alor Merah di sini mampu menjual sehingga 200 ekor kambing untuk ibadah korban.

Namun, tahun ini, jualan kambingnya merosot teruk sehingga 60 peratus dan menjelang seminggu sebelum Aidiladha, dia hanya mampu menjual sekitar 60 ekor sahaja.

Husmizar yang menyediakan lebih 200 ekor kambing tahun ini dengan modal kira-kira RM70,000 hanya mampu meraih pulangan jualan sekitar 30 peratus sahaja daripada modal yang dikeluarkan sedangkan sambutan Aidiladha sudah semakin hampir.

Bercakap kepada *Utusan Malaysia*, dia yang memelihara kambing sejak lapan tahun lalu menyifatkan jualan tahun ini adalah yang paling teruk.

Katanya, dia juga hairan melihat situasi tersebut dan tidak menolak kemungkinan faktor tekanan kos sara hidup menyebabkan orang ramai berjimat.

Selain itu, katanya, antara faktor lain, kemungkinan disebabkan trend orang ramai melakukan ibadah korban secara dalam talian di luar negara yang lebih menjimatkan.

"Sepatutnya, seminggu menjelang Aidiladha ini, sudah ratusan ekor kambing pelangan tempah, namun tahun ini jualan merosot sangat teruk. Saya pun tidak pasti sama ada mampu meraih pulangan modal tahun ini," katanya.

Katanya lagi, dia berharap jualan akan meningkat menjelang Aidiladha dan berusaha meningkatkan lagi promosi bagi meningkatkan jualan.

Bapa kepada empat orang anak itu berkata, kambing yang dijual hanya sekitar RM800 sehingga RM1,300 seekor.

"Kebelakangan ini, kos sara hidup semakin meningkat dan ia memberi kesan kepada para peniaga termasuk penternak sendiri. Selalunya, Aidiladha merupakan peluang kami mencari rezeki tambahan apabila jualan melonjak, namun tidak berlaku tahun ini.

"Bukan saya sahaja terkesan, malah penternak-penternak kambing lain juga mengakui terkesan teruk tahun ini," katanya.

Ministry studying proposal to set up special agency to improve food security, says deputy minister

MEDIA	RUANGAN	MUKA SURAT
Malay Mail	-	Online

Agriculture Ministry studying proposal to set up special agency to improve food security, says deputy minister



Deputy Agriculture and Food Security Minister Chan Foong Hin speaks at the Dewan Negara in Kuala Lumpur June 20, 2023. — Bernama pic

Tuesday, 20 Jun 2023 12:57 PM MYT

KUALA LUMPUR, June 20 — The Ministry of Agriculture and Food Security (KPKM) is looking into the proposal to set up a special agency to improve food security as a national agenda.

Its deputy minister Chan Foong Hin said the idea to establish the agency came up at a National Action Council on Cost of Living (NACCOL) meeting earlier this year as one of the initiatives to tackle cost of living issues.

He said that a preliminary study conducted by the KPKM found the establishment of a national food security agency should encompass four main aspects, namely the elements of availability; accessibility; food security; as well as stability and sustainability. “Therefore, the establishment of a national food security agency requires further evaluation regarding the implications of legislation, finances, human resources, and adjustments to the functions and roles of ministries,” he said during a question and answer session at the Dewan Negara sitting today.

He said this in reply to a question from Senator Abdul Nasir Idris on whether the government intends to set up a Malaysia Food Agency in the effort to improve food security as a national agenda.

Chan said that in an effort to improve food security, the government is also adopting an inter-ministerial approach to ensure that the national food system is stable and runs efficiently and productively.

In addition, he said KPKM was committed to ensuring food security, establishing a resilient national food production system as well as helping food producers.

“Among the efforts that have been implemented are providing modern and efficient infrastructure, incentives, support in the form of advisory and technical services, grants, financing aid, tax exemptions, subsidies, market access, and business matching,” he said. — Bernama

TERIMA KASIH

DISEDIAKAN OLEH:

**UNIT KOMUNIKASI KORPORAT
JABATAN PERKHIDMATAN VETERINAR**